

Тазкия дарслари (211-дарс) Ибодат оқиллик аломатидир



19:00 / 31.12.2022 4486

هُلِّلَا يَضَرَّ رَءْيِيَّ رَهْ يَبَا نَع
هُلِّلَا يَلَّصَّ يَبْنَلَا نَع، هُنَّ
نَمَّامُ «: لَأَقَمَّ لَسَوِ هِيَلَع
نَأْ هَلِّلَا يَلَّ بَخِمْ أَيَّأ

رَشَعُ نَمِ اَهِي فُ هَلْ دَبَعْتُي
لُكُ مِ اِي صُ لُدُعِي ، هَجَّحُ لِي ذِ
، هَنَسُ مِ اِي صُ بَ اَهْنَمِ مَوِي
اَهْنَمِ هَلِي لُكُ مِ اِي قَو
هَاور . «رَدَقُ لِي لِمِ اِي قَبِ
ي ذِمَّرْتُ لِي

Абу Ҳурайра розияллоҳу анҳудан ривоят қилинади:

«Набий соллаллоҳу алайҳи васаллам:

«Аллоҳ учун зулҳижжанинг ўн кунчалик Унга ибодат қилишга маҳбуброқ кун йўқ. Уларнинг бир кунлик рўзаси бир йиллик рўзага тенгдир. Уларнинг бир кечасини бедор ўтказиш эса Лайлатул қадрни бедор ўтказишга тенгдир», дедилар.

Термизий ривоят қилган.

هَلْ لِي اِي ضَرَرَمُعِ نُبِ اِنَعِ
ي لَصِي بِنِ لِي اِنَعِ ، اُمُ هِنَعِ
نِ اِنَعِ : لِقَمَلَسَوِ هِي لَعِ هَلْ لِي

هُدًى سَخَصَنَ إِذِ ابْعَلَا
هُجَأُ هَلْفِ بَرَّةِ دَابِعَ نَسْحَ أَوْ
ةَثَالُ لَأُ هَأُورِ . «نِي تَرَمِ

Ибн Умар розияллоху анхумодан ривоят қилинади:

«Набий соллаллоху алайҳи васаллам:

«Қул қачонки хожасига насиҳат қилса ва Роббига яхшилаб ибодат қилса, унинг ажри икки марта бўлгай», дедилар».

Учовлари ривоят қилишган.

Ибодат ҳақидаги ҳикматли сўзлардан намуналар:

– Абу Дардо розияллоху анху Маслама ибн Махладга ёзган мактубида шундай дейди:

«Аммо баъду: Қачон банда Аллоҳ таолонинг тоатига амал қилса, Аллоҳ унга муҳаббат қилади. Қачон Аллоҳ муҳаббат қилса, уни Ўз халқига маҳбуб қилиб қўяди.

Қачон банда Аллоҳ таолога маъсият қилса, уни Аллоҳ ёмон кўради. Қачон Аллоҳ ёмон кўрса, уни Ўз халқига ёмон кўрсатиб қўяди».

– Ибн Қайюм айтади:

«Ибодатнинг мадори ўн беш асосдадир. Ким уларни мукамал қилса, бандалик мартабаларини мукамал қилган бўлади. Бунинг баёни қуйидагича: Ибодат қалб, тил ва аъзоларга тақсимланган. Бандалик аҳкомлари бешта: фарз, мустаҳаб, ҳаром, макруҳ, мубоҳ. Улар қалб, тил ва аъзоларнинг ҳар бирига оиддир. (Ҳаммаси ўн бешта бўлади)».

Ибодатнинг фойдаларидан:

1. Ибодат мақом ва маконни юқори қилади.
2. Ибодатда улкан савоблар бор.
3. Ибодатда Роббул оламиннинг розилиги бор.
4. Ибодатда диннинг аломати бор.
5. Ибодатда яқийннинг далили бор.
6. Ибодатнинг мукофоти жаннатда сокин бўлишдир.
7. Ибодат таваккулнинг далилидир.
8. Ибодат оқиллик аломатидир.
9. Ибодат Аллоҳ таоло берган тавфиқнинг аломатидир.
10. Ибодат қилган одамни фаришталар қанотлари билан ўраб, муҳофаза қиладилар.
11. Ибодат қилган одамнинг атрофига раҳмат ёғилади.
12. Ибодат банданинг ўзига берилган неъматга шукр қилиши суратларидан биридир.
13. Яхши ибодатнинг самараси Аллоҳ таоло ҳақида яхши гумонда бўлишдир.
14. Ибодат қабр саволида нажот беради.
15. Ибодатнинг самараси сабрдир. Сабрнинг самараси яхши эваздир.

«Руҳий тарбия» китоби асосида тайёрланди